



ATASSUT INATSISARTUNI

ATASSUT

UKA 2013/115

Gerhardt Petersen

22.11.13

Persuttaasарneq akiorniarlugu Naalakkersuisut periusissiaat iliuusissatullu pilersaarutaat.

(Ilaqtariinnermut Inatsisinillu Atuutsitsinermut Naalakkersuisoq)

Persuttaasарneq akiorniarlugu Naalakkersuisut periusissiaat iliuusissatullu pilersaarutaat ersarissoq pillugu ATASSUT-mit makkuninnga oqaaseqaateqassaagut:

Persuttaasарneq timikkut tarnikkulluunniit pisinnaasarpoq, aamma ajornerpaagaangami timikkut tarnikkullu ataatsikkut pisarluni.

Persuttaasoqartarnera persuttarneqartumut ikilerneqaataasaqaaq aammalu inuiaqatigiit ataatsimut isigalugit nukillaarsaatigaarput sukumiisumik iliuuseqarfingeqartariaqartoq, taamaammat ATASSUT-mit pissusissamisoorluinnartutut isigaarput naalakkersuinikkut iliuusissat sukumiisut aqqutigalugit akiuiniartoqarnissa aallartinniarneqarmat.

Kisitsisit matumani saqqummiunneqartut immini oqaluttuarput inoqatigiit akornatsinni aammalu inuiaqatigiit akornatsinni ajornartorsiuteqartugut imaannaanngitsumik sukumiisumillu iliuuseqarfingeqartariaqakkatsinnik.

Suliassat ilaat politeeqarnermik eqqartuussisoqarnermillu suliaqartut isumagisassarivaat.

Suliassat ilaat nunaqqatigiit qanitareqatigiillutik isumagisassarivaat.

Suliassat ilaat nuna tamakkerlugu isumagineqartussaapput.

Suliassalli pingaarnersarivaat inuttut ataasiakkaatut inoqatit akornanni pissusilersuutigisartakkatta sunniutai ilisimaalarugit inooqataasinnaanissamut sakkussanik peqarluarnissarput.



ATASSUT INATSISARTUNI

Pingaartumik ilaqtariit meerartallit akornanni persuttaasarniq inuiaqatigiittut ajornartorsiutta annerpasa ilaannik ingerlatitseqqiinissamut aarlerinartorsiulersitsisarpoq, tassami meerannguit persuttaasunik isigititaanikut, ersiortitaanikut allaallumi namminneq persuttagaanermik aqquaagaqarnikut namminneq inersimasunngornerminni persuttaaneq nalinginnaasutut isigileroorsimallugu namminneq persuttaasunngorsinnaasarput.

Taamaammat persuttaasarniq akiorniarlugu suliniuteqarnermi inuiaqatigiittut tamatta immitsinnut piumaffiginerput annertuujullunilu sukumiisuusariaqarpoq aammalu ataavartuulluni.

ATASSUT-mit iluarisimaakkatsinnik Kalaallit Nunatsinni meerartagut akiuiniarnermi aallartilluareerput, meeqqat meeqlerivimmiiittut aammalu atuartut nukarliit oqaloqatigiittarnissamik aammalu misigissutsit oqaasinngortittarnissaannik ilinniartilluarneqarput ilaatigut suliniut “kammagiitta” aqqutigalugu.

Meeqqalli aallaavigalugit persuttaattoqartarnera sunniuteqarluartumik akiorneqassappat angajoqqaat meeqqamullu perorsaasuuusut qitiulluinnartumik inisisimapput, taaku peqataalluarnerisigut aatsaat meeqqat inoqatit akornanni pissuserissaarnissamik aammalu annersaaneq atornagu oqaloqatigiinneq atorlugu aaqqiagiinngissutaasunik qaangiisinnaaneq ilikkaruarsinnaammassuk.

Tamatuma saniatigut paasisitsiniaanerit sunniutillit annertuut innuttaasunullu tamanut sunniuteqarluartut aqqutissaapput, ilaqtariit akornanni, nunaqqatigiit akornanni aammalu inuiaqatigiit akornanni isumaqatigiinngikkaluaraanniluunniit oqaloqatigiinneq aqqutigalugu isumaqatigiinngissutaasut qaangersinnaanissaannut periaatsinik tamatta ilinniartariaqarpugut.

ATASSUT-mit suliniuteqarfigigassat sisamat periusissiami iliuusissatullu pilersaarummi saqqummiunneqartut isumalluarfigaagut, tassa persuttagaasartut immikkut suliniuteqarfiginissaat, persuttaasartut immikkut suliniuteqarfiginissaat, suliamut tunngasutigut suliaqarfiillu akimorlugit ineriartornissamik sulissutiginninnissaq kiisalu ilisimasat paassisutissiinerlu pillugit suliniuteqarnissaq sunniuteqarluarumaartut isumalluarpugut.



ATASSUT INATSISARTUNI

Persuttaasарeq akiorniarlugu Naalakkersuisut periusissiaat iliuusissatullu pilersaarutaat soorunami aningaaстaqartussaavoq, ATASSUT-millu suliniutit tamakkiisumik tapersorsoratsigit naammattumik aningaaсaliisoqarnissaanut piareersimavugut, neriuppugullu nunatsinni Kommunit nukinnik aningaasanillu tunniussaqaqataanissaminnut ammassasut.

Alianartuuvoq suliniuteqarfik, kisitsisit matumani saqqummiunneqartut immini oqaluttuarput ajornartorsiuteqartugut annertuumik piaartumillu iliuuseqarfigisariaqakkatsinnik.

Persuttaaneq naaggaarpapput – oqaloqatigiinneq toqqarparput
Persuttaasoqartarnera ullormiit ullormut kipitinneqassasoq kissaatigigaluarutsiguluunniit tamanna ajornassammat ATASSUT-mit Naalakkersuisunut kaammattuitigissavarput nunatsinni qimarnguiit pillugit Kommunit suleqatigalugit patajaallisarneqassasut aammalu qimargusartut sullinneqartarnerisa qaffassarneqarnissaa sulissutigineqassasoq.

Inatsisitigut iliuusissat pillugit ATASSUT-mit immikkut oqaaseqanngikkaluarluta Naalakkersuisut siunniussaat tamakkiisumik tunuliaqutaaffigissagatsigu matumuuna naqissusissavarput.

Tamakkiisorujussuarmik taakuugallarput ATASSUT-mit oqaatigiumasagut, naatsorsuutigaarput Naalakkersuisut suliniutip ingerlanneqarnerani Inatsisartut malinnaatillugillu pisariaqarfiatigut peqataatinissaat isumannaassagaat.

Naggataatigullu ATASSUT-mit Naalakkersuisut qujaffigissavagut periusissiatut aammalu iliuusissatut pilersaarummik taamak sukumiitigisumik siunnerfeqarluartigisumillu matumani saqqummiussimmata.